

SOS-SIEKHCAK

E lëschtengen Véier-akter vun a mat de Scouts St.Martin vun Duelem. (Januar 1997)..

1: Kirk	Käpten vum Raumschëff Enterprise
2 Apollo 3	e klenge Roboter deen falsch programméiert ass
3 Scotty	Chefftechniker vum Raumschëff Enterprise
4 Spock	doudlogësch Computerespezialist an éischten Offizéier vum Raumschëff Enterprise
5 Mc Coy	den Medicus vum Raumschëff Enterprise
6 2 Astronauten	vum Service «Call- a - Boulette»
7 Oberflucki	Präsident vum Planéit Snickers
8 Lt. Uhura	ranghéichste weiblëchen Offizéier vum Raumschëff Enterprise, eng ulkesch Nuddel
9 Flarry	Moderator vun der Wiel vum Mr Galaxy
Schweinfurz	
10 Här	Member vum Jury
Paraschrotti	
11 Angelo	idem
12 Mareike	idem
Amaretto	
13 Mr Smartie	Kandidat vum Planéit Smarties
14 Mr Pickel	Kandidat vum Cléarasil-Doubelstärt
15 Mr Bombastic-Elastic	Kandidat vum Gummistär
16 -17 Mr Twix	Kandidat vum Planéit Raider
18 E.T.-1	Kandidat vum Planéit Alpha-Centauri
19 E.T.-2	Archivist vum Raumschëff Enterprise
20 Juncker	Staatsminister, décke Brëll a Kommiounskostüm
21 Jakobs M-J	Familljeministes, an Infirmiërstenue
22 A Bodry	Arméiminister am Battledress mat Helm a Gewier
23 Folter M.	Innenminister, mat Knätsch a Féiss op dem Dësch
24 J.F Poos	Ausseminister groo Hoer, 2-3 Flachmänner an der Täsch
25 J Goebbels	Bautenminister a bloer Aarbechterkombinasion mat Bauhelm un
26 Polizist	steht Wuecht beim Regierungsrot
27 Gëlle Fra	
28 Beamten	Sekretär beim Regierungsrot
29 Superjhemp	
30 Queen Lisy	
31 Scout Tim	
32 Scout 2	
33 Scout 3	
34 Klenge Roboter	spillt mam Game-boy
35 e Kameramann	

1. Akt

De Rideau geet op. De Kirk sëtzt an der Fotell, de Spock triwwelt um Computer, de Mc Coy steet op der Bühn a liest an enger Broschür vum roude Kraiz.. De Kirk dréckt de Knépchen vun der Sprechanlag

Kirk Computerlogbuch vun der Enterprise, , Stärenzeit (*kuckt sëch hëlleflos no der Auer ëm Déi hänt un der Mauer a Form vun enger Rakët . Op eemol geht eng Diirchen op, an e Powerranger kënnt 12mol eraus a piepst derbai*) ... jé kurz ëm Mëtteg. Mir schreiwen den 30. Fébruar 2345. Mir sinn de Moment 35743.5 Liichtjoër vun der Erd am Orionniewel ënnerwee . Eis't Ziel ass de Planéit Snickers. Eis Missioun ass d'Duerchféieren an d'Iwerwaachen vun der Wiel vum

Mister Galaxie 2345 déi dët Joer um Snickers stattfënnt. Duerfir treffen geschwënn d'Finalisten vun de Viirauscheidungen vun de verschiddene Planéiten op der Enterprise an.

Hien gaapst a reift sëch d'Aen. Mat Schwonk dréckt hien nach eng Kéier op de Kneppchen

Kirk Käpten un d'Kantine, bréngt ,mir mol e Kaffi v. e g. , hei faalen engem jo d'Aen zou esou langweileg ass et op dësem Posten.

Vun hannert der Bühn äntwert eng piepseg Stëmm:

Ok Käpten de Kaffi kënnt gleich.

Et kënnt e klenge Roboter erageflitz a bréngt e Becher mat Flëssegheet.

Apollo 3 Hei Kirki, hei hues de eng Tass 95 Oktan blaifrai.

Kirk Deen do as schon erëm eng Kéier falsch programméiert. Scotty bréng emol en neien Microchip. Dem sei Gehiir ass erëm op Proffegréisst geschrumpft..

De Roboter wackelt onbehollefronderem, de Scotty kënnt eran a seet

Scotty Jo Käpten, mais de läschten Microchip , daat heeschte den 3447. hu mir virun 46 Megaminussekonnen verbraucht.

Kirk Da schalt en einfach aus, well deen do mëscht mëch plutonësch nervös.

Scotty Da komm mei Jong, da bringe mër dëch emol an de Keller. Mir hun nach Garantie op Dir bis 30000 km. Wa mir erëm doheem sinn bringen ëch dëch nees an de Buttek zeréck du Fehlkonstruktioun. *Sie gi vun der Bühn. de Spock geet mat eraus.*

Mc Coy Käpten ëch man Iech op e gesondheetleche Probleem opmierksam. Eise Vitamin-C - Gehalt ass bedenklëch weit erofgangen. Mir missten onbedéngt Aepfel iessen.

Kirk Mc Coy du aale Mediziner, wëlls de erëm deng Pei opbesseren an eis op Krankekeessrechnung veräppelen?

Mc Coy Nee Käpten et ass eescht, dobaussen am Gang leien schons e puer Zänn déi d'Leit verluer hun wéinst Vitaminmangel. A kuckt nëmmen, dem Spock seng Ouren sinn och nëtt méih sou spatz wéi normal.

Kirk Ok Ok. Da so dem Scotty hie soll eng Këscht Aepfel an de Keller siche goen.

Scotty kënnt eran Käpten, ëch bedauern. Eis Aepfel hun dee bestännegen Niwwel hei am Orionniwwel net verdroen a sinn alleguer gefault. Déi hun ëch schon op der läschter Rastplaz bei d'Dreckskeesch gestallt.

Et piepst en Telefon. De Kirk hëllt den Hörer bei sengem Sëtz a seet

KIRK Kirk hei, jo moi. Jo ok daat geht, da kommen mir alt 16233 Megaminussekonnen méih spéit. Äddi bis geschwënn. Hien leet op. Mir kënnen eis roueg Zeit loossen. Den Oberflucky vum Planéit Snickers huet den intergalaktësche mikroorganismësche Flitzer a sëtzt de ganzen Dag um Troun. D'Mister Galaxi-Wahl fënnt e bësche méih spéit statt. Maja, Zait hätte mer elo nach genuch, da kënnte mer eis em den Äppelprobleem këmmen.

Mc Coy Also ëch hätt eng Iddie. Komm mer ginn einfach bei den nächste Kerosinburger eppes iessen., do si jo baal sou vill Vitamine dran wéi an engem Apfel.

Kirk Ouh jo. Kommt mir fléien bei de Quick eis e puer intergalaktësch Gehierbouletten op d'Long zéien, Scotty maach emol de Winker eraus, mir béien of bei den nächsten Drive, neen Fly -Inn.

Scotty Ok Chef

Iwerdeems kënnt de Spock eran. Hien huet e spezielle Kostüm un (evt, en ze klenge Kommiounskostüm).

Spock Käpten ëch wollt Iech jhust froen op mei Frack hei esou gutt ass fir hannenno d'Mister-Galaxie-Wahl ?

Mc Coy Oh freck, streck en awer nach, well soss gess du nie zum Mister Galaxi gewielt.

De Spock geet beleidegt nees of

Scotty ech maachen de Schirm emol op. Mir kommen beim Kerosinburger un.

Den ekran geht un an et geseit een aus dem Daischteren eng Quicklichtreklamme no kommen a méih

deitlëch ginn. de Schirm geet aus. Et klappt un der Diir

Kirk

Entrez

D'Dir geht op an et kommen 2 Astronauten eran mat Helm an enger roudere Këscht um Réck (drop steekt CALL a BOULETTE)) si kommen eran an huelen ëmständlech 2 Tuten aus hire Këschten

Astronauten

Kirk

Hei Kirk hei sinn déi bestallten Gehirbouletten.

Déi 2 Astronauten ginn erëm eraus. Et schellt nees den Telefon. De Kirk hiewt op

Kirk

Ouh dat ass awer séier gang Gudd schéck se erop. mir fänken da gleich un. leet nees op Ech kréien elo grad vun eisem Parkdeck gemellt .dat den Oberflucki sëch erëm erkritt huet a mat der ganzer Delegatioun op der Enterprise ass. Mir kënnen also gleich mat der Wahl ufänken. *Riff no hannen:*

Technik, bréngt d'Bänk fir de Jury. *2 ET'en evt als Astronauten verkleed brengen eng Bänk eran a stellen se op Duerno verschwanne se no riets. Et klappt un der Dir lenks*

Kirk

Entrez D'Dir geht op an eran kommen 1 Kameramann mat Kamera um Stänner deen sëch dirckt riets an den Eck verzitt a sëch dohi stellt a filmt., den Oberflucki an de Moderator. an 3 Leit vun der Jury déi sëch dirket op d'Bänk sëtze ginn. Si ginn geféiert vum Leutenant Uhura. Den Oberflucki geet bei de Kirk a seet:

Oberflucki
ganz wichteg

Käpten därf ech mëch viirstellen: ech sinn den Oberflucki vum Planéit Snickers. Ech sin vum Generalsekrétär vun de Vereenegte Galaxien beoptragt d'Wahlen vum Mister Galaxie ze iwerwaachen. Dir wësst, dëss Wahlen sinn e wichtegen Evénement deen der Verständnegung vun de verschiddenen Zivilisatiounen dingt an deen hëlleft Rasismus a Friemenhaas am Universum oofzebauen.

Kirk

Enchantéiert. Mein Numm ass Kirk. D'Enterprise steet Iech zou Dingschte bei der wichtiger Missioun.

Oberflucki

Schéin, schéin. Loosse mer direkt ufänken Därf ech Iech eise Starmoderator viirféieren deen hei durch d'Sendung féiert, den Flarry Schweinfurz.

Uhura

De Schweiiiiinnnnfuuuurz..... Immens Kréien Ëch en Autogramm???

Kirk

Leutenant rappt Iech um Rimm. Mir sinn op Sendung. Musst dir dann är Kanneregkeet iwert de ganze Kosmos iwerdoe loossen ?

Flarry

Gudden moi den dir Erd a Snickerslingen an all dir aaner déi iwer Sateliit mat eis verbonne sinn. Schéine gudden Owend och iech dir Damen an Hären déi dir doheem oder ënnerwee beim Fernseh eis nokuckt. Ech si frouh sass dir bei der Wahl vum Mister Galaxie vum Joer 2345 derbei sidd. Därf ech iech eis Jury viirstellen? Ganz riets den Här Parascrotti aus bella Italia, an der Mëtt, den Angelo aus der Gelly-Family. Lënks hu mir dann d'Mareike Amaretto gutt bekannt aus der Minny-Winny Play-back-show.. A wat wär eng Show ouni Kandidaten. Hei sinn së. den éischten ass de Mr Smartie vum Planéit Smarties.

kënnst eran dréit sëch. Alles applaudéiert. Hien stellt sëch an den Eck

Flarry

Als 2. begréissen Ech de Mr Pickel vum Cléarasil -Doppelstär

kënnst eran dréit sëch. Alles applaudéiert. Hien stellt sëch an den Eck

Flarry

Eisen 3. Kandidat ass den Mr Bombastik.-Elastik vum Gummistär.

kënnst eran dréit sëch. Alles applaudéiert. Hien stellt sëch an den Eck

Flarry

de 4. ass de Mr Spock vun der Enterprise

kënnst eran dréit sëch. Keen applaudéiert. Hien stellt sëch an den Eck

Flarry

als 5te Kandidat stellen ech vir: De Mr Twix vum Planéi Raider

kënnst eran dréit sëch. Alles applaudéiert. Hien stellt sëch an den Eck All Kandidaten droen um Bauch / Réck enZiedel mat hirer Startnummer 1-6.

Flarry

an als lëschte Kandidat begréisse mir den E.T. vum Alpha-Centauri.

kënnst eran dréit sëch. Alles applaudéiert. Hien geht bei Kirk weist op den Telefon a seet

E T

ET wëll heem telefonéieren. Hien weist mam liichtende Fanger no uewen a geeht sëch an d'Reih stellen.

- Flarry* Sou dir Damen an Dir Hären, léif Jury da kéinte mir elo ufänken. Als eischt soll de Jury d'Geleegenheet kréien fir de Kandidaten hir Topographie ze apprécieieren. Dir Herren Kandidaten, éch bieden Iech elo hei virun dem Jury ze défiléieren an Iech vun ärer beschter Seit ze weisen.
Alle 6 défiléieren se a stellen sèch virum Publikum a Pose.-
- Flarry* Als nächst komme mir zum Wésentlèchen. Mir préifen d'Beweglechkeet vun eise Kandidaten. Ech ruffen eis Kandidaten op zum Makarena-danz
d'Musek setzt an an eis Kandidaten beméien sèch, sou gutt wéi et geet matzedanzen. Duerno Applaus vu jidferengem op der Bühn.
- Flarry* Dat war jo schons ganz iwerzeegend. Mais fir eisem Jury nach e léschten Indikativ ze ginn, wëlle mir elo nach d'gesanglèch Qualitéieten vun de 6 Kandidaten op t Prouf stellen.
Déi 6 stellen sèch op a sängen zesummen eng Stroph vum Lidd: Ech sinn de schéine Poli, der Mama hire Jong. Altnees Applaus
- Oberflucki* Dir Häre Kandidaten, léif Leit un de Bildschirmer iwerall am Universum, mir kommen elo zum spannenden Héichpunkt vun der Wahl. Eise Jury proklaméiert elo seng Entschédung. Mes Dames Messieurs, faites vos jeux..
Dorops hiewt all Jurysmember eng Tafel an d'Lucht mat enger Zuel drop. 2mol erschéngt d'6 emol d'3. Alles applaudéiert.
- Flarry* Immens, domat steht fest den Här E.T. ass de Mr Galaxie 2345. Här E.T. éch darf iech bieden bei eis ze kommen.
- Oberflucki* Käpten Kirk, wou hut dir d'Coupe vum Generalsekrétär vun de vereenegte Glaxien?
Kirk Ah jo, deem ale Granzbock seng Pottschamp hu mer jo och nach misste mattschlèfen. Archiven bréngt dat gutt Stéck schnell hei hin
Et kënnt vu lénks en klengen Ausserirdischen mat der Coupe a gëtt se dem Kirk. Doropp verschwénnt hien nees. Et setz lues a gedroen eng feierlèch Musek an.
- Oberflucki* Ech Iwerreechen Iech heimat feierlèch déi grouse Coupe vum Generalsekrétär vun de vereenegte Glaxien. Dir sidd de Mister Galaxie 2345.
- ET* Merci ech si geréiert Bähähhhhh *hien fänkt un ze tuuten*
- Mc Coy* Ech hun hei nach en extrae Cadeau gestéft vun der associatioun vun de Raumschëffzännokteren. Déi grouss Dr Best Schwingkopf am Gold mam rosa Bändchen.
- ET* Dat ass ganz gentil vun Iech. mais mir op Alpha Centauri hun all Gebässer. Eng Packung Kukident hätt ech léiwer gehat.
- Flarry* Heimat ass eis schéi Feier leider op en Enn komm. Et bleiwt mir nach Iech alleguer eng gutt Nuecht ze wënschen.
- Oberflucki* Ech invitéieren jidferen deen hei ass, mat op de Snickers ze kommen. Do wärte mir emol nach e puer Fässer opmaachen. *Alles jeitz begeeschtert a steht op*
- Kirk* Ech soen iech villmols Merci am Numm vun der ganzer Equipe vun der Enterprise. Mais mir hun schons zevill Retard op eisen Zeitplang. Mir kënnen onméiglech elo och nach mat Iech feieren.
- Oberflucki* Das awer Schued Käpten Ech hat mëch grad un dem Spock seng spatz Oueren gewinnt. Nu je dann ass et alt fir eng aaner Kéier Aeddi dann. *Si ginn all eraus bis op d'Equipe vun der Enterprise an huelen d'Bänk mat eraus.*
Nodeems d'Gäscht d'Raumschëff verlooss hun bleiwen nëmmen de Kirk, de Spock de Mc Coy an d'Leutenant Uhura (hat stréckt un engem Aluminiumstrikot) op der Bühn. De Kirk sëtzt sèch gemittlech a seng Fotell, dréckt de Mikroskneppchen a rífft:
- Kirk* Käpten un de Maschinneraum, Scotty da lee emol de 15te Gang an a géff Gas fir heem. Ech fréen mëch schons op eis gudd aal Erd.
Et peift eng Kéier kurz mat steigender Intensitéit
Vun Hannert de Kulissen héiert een de Scotti Ruffen:
- Scotty* Ok Käpten mir fléien elo mat maximaler Vitesse, a Richtung Erd.
- Kirk* Scotty da mach eis emol d'Fenster op, da kucke mir eis dat emol un.

Lues geht den Ecran op. Et geseit een eng Bewegung vu Stären op de Betruechter zou(Starfieldsimulation), +-1Minutt laang.

Kirk weist op den Ecran an Mc Coy, aale Pëllemetty, dat do deet engem dach richtig gutt sêch emol erëm d'Stären em d'Ouren bloosen ze loossen?

Mc Coy Ei jo, Käpten, em dëss Zeit ass soos och baal keen an dëser Galaxie ënnerwee, do kann een et roueg luppen loossen.

Den Ecran geht neesaus, an all sëtzen se gelangweilt an hire Fotellen.

De Spock steht gelangweilt an der Géigend a bliedert iwerdeems an engem Buch,op eemol fängt sei Computer un ganz hektesch ze tuuten an ze bléncken. All kucken se sêch un. de Spock geeht bei de Computer, dréckt op e puer Knepp, d'Getuuts hält op. De Spock kuckt op den Ecran vu sengem Rechner rëselt de Kapp a seet a Richtung vum Kirk:

Spock Käpten, d'Energiereserven vun eisen Reakteren déi d'Enterprise undreiwen sinn bedenklech knapp.Wa mir op voller Vitesse weider fléien, da packen mir mol nëtt den halwe Wee bis heem.

Kirk Spock, aalt Schlitzouer, wat kënne mir dann do maachen?

erschreckt:

Spock Lues fléien Käpten. Wa mir mat héchstens 25 Prozent Leeschtung fléien, missten eis Réserven un SIEKHCAK-Moleküler fir d'Reakteren duergoen bis bei D'Erd.

Kirk mat Schwonk Käpten u Maschinneraum: Scotty, reduzéier eis Reesgeschwindegkeet op 25 Prozent Maximalleeschtung.

Scotty kënnt eran ok Käpten da kluunsche mer eben méih lues heem.

MC Coy Flott, dan hunn ech jo nach Zeit fir e puer Sue ze verdingen. Käpten schéckt mir emol d'Personal vun der Enterprise an d'Kontrolle,mir machen emol en Färbetest fir ze kucken op déi Band sêch och ordentlech d'Zänn wäscht.

Scotty of *et peift nees awer an ëmgekéierter Weis vun Staark op méih lues..*

Se sëtzen do an et geseit een, dat se neischt mat sech unzufänke wëssen. Op eemol könnt e klenge Roboter eran . Hien spillt mat engem Game-boy, deen vill piepst a quietscht. Et geseit een him oof datt hien décke Spaass huet. De Kirk , de Spock an de Mc Coy kucken jalous no.

Kirk: Dat onziviliséiert Behuelen am Dëngscht do gefällt mir nëtt, Spock, Mc Coy , hëlleft mir emol.

Sie sprangen op kreesen de Roboter an deen piepst a jeitzt an huelen him de Game-boy oof. De Roboter verschwënnt mat Gejeiz vun der Bühn. Déi 3 stinn beieneen a spillen elo ganz agitëiert mam Game-boy. Op emol schléit de Computer nees Alarm.De Spock geet dohin schalt d'Getuuts aus a liest.

Spock Käpten, mir sinn an d'Unzéihung vun engem riesege schwaarze Lach gerooden . Et zitt d'Enterprise mat ongeheierer Kraaft a sein Zentrum.

Kirk erfëiert Spock , ma waat solle mer dann elo maachen.?. Mir kënnen dach nëtt zoulossen datt dee schwarzen Weltraumstaubsauger do eis einfach verschléckt? Solle mir net probéieren mat Vollgas dervun fortzefléien ?

Spock Ech ginn ze bedenken Käpten, datt eis Energiereserven et eis nett erlaaben esou eng Vollgasaktioun ze bedreiwen,wa mir nett eng panne sêche riskéiere wëllen.

Kirk Jo mais, waat solle mer da soss maachen ?

Spock eis Partie Game-boy färdeg spillen.

drëschen

Kirk Waat, deen huet Nerven, wees Du dann neischt méih Gescheites? Soss wees dein Computer, dein elektrësche Liggepitti dach ëmmer e gudde Rot,. Schött emol eng Drepps Ueleg derbei, villeicht fällt em dann schnell eppes an.

De Spock féngert ongeréiert u sengem Computer.

Spock Käpten, menge Berechnungen no ass d'Enterprise ze schwéier fir bei der Unzéiungskraaft am Lach ze bleiwen. Wa mir nëtt géintstéieren gi mir mat esou enger Vitesse an d'Lach

- erangezunn, datt mir hannen gleich nees erausfléien.
- Kirk* Kann eis dann do soss neischt passéieren ?
- Spock* Do kann ech neischt soen. Dat huet nach keen matgemacht. Eist Schéff misst et aushaalen et kënnt awer e bëschen ongemittlech ginn.
- Kirk* Ok Spocky, da léen mir d'Oueren mol un . Käpten un d'Equippage vun der Enterprise: Mir wärten elo gleich duerch gréisser Turbulenzen kommen. Setzt Iech op aer Arbechtsplatzen stréckt Iech un an haalt op ze fëmmen. Wann et elo gleich e bëssen wackelt, da maacht Iech neischt draus, mir huelen eng Oofkiirzung durch e schwaarzt Lach. Scotty weis mir emol um Schirm waat sëch do virun eis zesummebraut.
Den zentralen Ecran geht un an et geseit een eng rotéierend Stäresammlung (Gilles V sei Screensaver).
- Kirk* Oh Freck, daat do geseit nett gutt aus!
Den Ecran geht aus, d'Lucht geht aus, Stroboscopeluuchten flackeren op, et kracht et quietscht, Bletzer zucken et dämpft et knuppt, d'Leit op der Bühn ginn op hire Still gerëselt. Dann gëtt alles lues erëm méi roueg.,
- Kirk* Scotty weei geseit et aus.
- Scotty kënnt eran* Käpten et schéngt wéi wann eis aal Fleeschbitten de Sturm do gutt iwerstaan hätt. Et sinn nömme e puer kleng Boboen passéiert, eis Techniker schaffen schons drun.
- Kirk* ok Mercy Scotty! Spock, waat seet dein élektreschen Orakel? Liewe mir nach a wa jo wou si mir.
- Spock* Käpten mir kruuten durch d'Unzéiung vum schwarze Lach esou eng formidabel Beschleunegung an déi richtig Richtung, esou zesoen e galaktesche Fous-an-den-Asch. Doduerch si mir praktesch doheem Eis Erd misst all Ablak virun eis optauchen
- Kirk verwonnert* ouh. da mach emol de Fernseh un, dat do geseit de Papp awer gare mat den eegene Guckelcher
Den Ecran geht un, et geseit een e liichtende Punkt méih no kommen deen sëch zur Gestalt vun der Erd vergréissert. Den Ecran geht nees aus.
- Kirk* Donnerwierder. Dat do nennen ech Gléck. Elo si mer jo nach viru Feierowend doheem. Scotty, da park eise Schlitt emol op der richteger Orbitalparkplatz. Mach D'Standluuchten un datt keen an eis knuppt an vergiess net d'Handbrems ze zéihen.
- Uhura* Merde an ech wollt meng Stréck ennerwee dach färdeg machen fir doheem an d' Disco. Elo muss ech nees den ale Fummel undinn.
- Spock verwonnert* Käpten, et ass gelungen, mais do ënnen schéngen se guer nëtt mat eis ze rechnen.
- Kirk* Wéi da Spocki?
- Spock* Ma ech wees nëtt. Ech kréien keng Aentwert op meng Funksignaler. Statt dessen tuten se mer al méiglech Signaler an d'Antenne, mat deenen ech neischt unzufänke wees.
- Kirk* Oh Spocki , em Stand se hun hei heem nees eng nei Computernorm ageféiert, an dein alen Tacko kënnt do nëtt méih mat.
- Spock* Negativ Käpten. Mein Computer huet elo de Schlëssel font vir déi Signalér ze enträtselen.Ech loossen se mol op de Schirm spillen
- Kirk* Et gëtt awer och Zeit, dass deng Bëchs do eppes verstänneges seet, Soss loossen ech se wéint Befehlsverweigerung bei den Elektronikschrott verfrachten an an d'Superdreckskescht bréngen.
Um écran erschéngt Testbild vun der Duelemer Gemeng mat Radiosmusek, dann eng daitsch Reklamm dann eng franséisch dann eng englësch. dann geet den écran aus
- Spock* Faszinéierend
- Mc Coy* bei enger Medizinreklamm Komesch dat dote Präparat kenne ech guer nëtt.
- Uhura* bei enger anerer Reclam Cool, dat do ginn ëch mer kaafen.

- Kirk* Spock, Scotty, kuckt Iech emol ëm op nëtt irgendwou hei eng verstoppte Kamera ass. ech well nett mein dommt Gesiicht d'nächst Woch op der Télé musse kucken.
d'Uhura kuckt s'ch ëm h'elt e Kamp aus der Täsch a m'scht s'ch sch'ein.
- Spock* Käpten et ass mer jo peinl'ch mais mir hun e klenge Problem.
- Kirk* Wann's Du lo nëtt gleich mat der Sprooch erauskënns, dann huelen ech e Blaistëftspëtzer an ëch spëtzen dir deng Ouren sou reng, dass du dir den Hut oppicke kanns.
- Mc Coy* Emmer mat der Rouh Käpten, Esou schlëmm ass et nëtt. Mir sinn jo mol beim richtege Planëit gelandt, Dat do ass eis gutt aal Erd.
- Kirk* Dat geseit jo e Blannen mat Sonnebrëll, duerfir brauch ech dem Spock seng Mikrowelle do nëtt ze beméihen.
- Spock* Déi komesch a verréckte Signaler, déi , mir elo grad hei gesinn hun loossen nëmmen e Schloss zou.
- Kirk* Du mëchs et awer spannend. Soll ëch nach en Tausch bestellen oder sees de mir elo endl'ch fir waat déi do ënnen eis nëtt mam rouden Teppesch a mat de Wiener Sängerknaben begrëisse kommen?
- Spock* Käpten dat schwartz Lach muss eng Aart Zeitfaal sinn, duerch déi een an der Zeit reese kann. Mir sinn duerch de klengen Trick ganz einfach 348 Joer an d'Vergangenheet gerëtscht.
- Scotty* Oh freck.... soll dat heeschen?
- Spock* Jo Scotty, do ënnen op der Aerd ass et elo Freideg den 1/ 2te März 1997.
- Kirk* Haal e mëch un. 1997. Da kënne mer elo eisen eegenen Ur-Ur-Ur-grouselteren d'Pämperse wiessele goen.
- Spock* Ëmmerhin si mir elo 203 Joer méi jonk. Dann hun ëch jo nach mindestens 310 Joer Zeit éier ëch op d'Welt kommen. Faszinéierend
- Mc Coy* Spock aalen Hummer, da musse mir jo nach 370 Joer méih laang op d'Pensioun waarden. Wees de ëch hun eigentlech guer keng Loscht bei deene Gruftien vun 1997 ze bleiwen.
- Spock* Dat brauche mir och nëtt. Opschons d'Pensiounen vun eis Staatsbeamten anno 1997 nach bestëmmt besser waren wéi 203 Joer méih spéit.
- Kirk* Wat kënne mir da maachen fir aus dësem Schlamassel nees erauszekommen?
- Spock* Wa meng Mikrowelle , wéi dir dat nennt, Rescht huet, da brauche mir nëmmen mat voller Vitesse vun hannen an dat schwartz Lach nees eranzefléien a vir eraus, da sinn mir erëm an dem Zeitalter wou mir hingehéieren.
- Scotty* Ma herrl'ch! A wéi solle mer dat da maachen ? De ganze Wee heihinn hudd dir eis d'Ouere vollgetrootert dat mir wéinst der Flaute an eisem Tank nëmmen nach ganz lues d'ärfe fléien an elo solle mir dann eng Sprëtztour mat Vollgas durch de schwarzen Ziipi do maachen? Spocki deng Wäschmaschinn do tickt nëtt méih ganz richtig.
- Spock* Wa mir fir eis Reakteren eng 250kg SIEKHCAK -Charge kriten, da wär dat kee Problem.
- Kirk* Ma s'cher, a wou huele mir dann déi Klénggekeet vun nëmmen 250 kg hier? Hues du déi an der Boxentäsch?
- Spock* Neen Käpten, mais op der Erd muss et dach natiirlech SIEKHCAK -Viirkommen ginn. Ech wees zwar nëtt, op d'Leit vun 1997 dat schons kannt hun.
- Kirk* Oh Spock, ech verzweifelen nach mat dir. Du wärts dach awer elo nëtt erwaarden datt mir mat Schëppen a Spueten elo do ënnen am Sand spille ginn fir deen Happy-Happy fir eis Motoren ze sichen ? A wou fänke mir dann do un ?
- Spock* Ech sinn am Gang d'Erd mat engem speziale Sensor oofzetaaschten. D'SIEKHCAK-Moleküler senden eng ganz speziell Strahlung aus, an domat verroden se s'ch.
- Mc Coy* E Gléck, da brauche mir elo nëtt Blinde Kuh mat deem Ziepkack oder wéi dat heescht ze spillen..
- Spock* Käpten mein Detektor huet do ënnen eng Régioun entdeckt vun der eng grouss

SIEKHCAK -Strahlung ausgeht. Do muss déi Substanz a grousem Moos ze fanne sinn. Ech zentréieren de Schirm emol op déi Géigend um Erdbudem .

Kirk Da looss emol kommen, ech si gespaant a wéi engem komeschen Eck vun der Welt dat da soll sinn.

den écran geht un a weist verschwommen , dann méih deitlëch d'Satellitebild vu Lëtzebuerg evt Dias , écran aus.

Scotty dat do ass awer eng drolesch Form, et mengt een et hät d'Form vun engem Schong.

Kirk Du hues e Gesicht e wéi e Schong. Spock aplatz dem Scotty sengem Getotz hei nozelauschteren so eis léiwer wat da dot fir eng Géigend ass.

Spock Käpten et ass eng Géigend a Mëttel- Europa. Mei Computer seet do wär fréier e Land gewiecht dat se Lëtzebuerg genannt hun.

Mc Coy Ja a weider ?

Spock Neischt weider. Op esou antik Froen ass meng Maschinn nëtt ageallt. Do kënnen nëmmen nach aal Bicher virun hëllefen.

Scotty da's ke Probleem. Mir hun jo an den Archiven vun der Enterprise eng aal Biblioték. Do as och en Atlas derbei deen mindestens 200 Joer al ass, ëch hat deen d'sLescht nach als Lecture

Mc Coy jo fir de Playboy dran ze verstoppen wann en laanscht kënnt.

Kirk an den Handy Käpten un d' Archiven. Mir brauchen dréngend den alen Atlas mat de Länner vun Europa dran.

Scotty Geséis Pëllemetty, häts du an der Geschicht besser opgepasst, da braichte mir net elo hei an esou alen Schwaarde ze wullen.

Mc Coy An du dann, du hues jo och neischt geléiert soss breichst du hei nëtt mam Léitkollef hannert all futtissem Roboter ze laafen.

Iwerdeems kënnt en ET mat dem Buch eran. E geht hannertsëch a schwetzt och esou.

ET ..saah toorfeg ed sad hcub'd ssa ieh ikriK neioM

Kirk Merci, mais waat huet deen do dann ?

Scotty, dat ass eisen neien Archivist. E kënnt vum Planéit Behind-Before. Do leeft alles vun hannen no viir an esou schwetzen se och.

Spock Tip top, dat do hun ech nach nëtt erliewt. Klengen , so dei Sprëchekchen nach eng Kéier op.?

ET saah toorfeg ed sad hcub'd ssa ieh ikriK neioM

De Spock hält et mat engem Tounband oder Computer op an inverséiert d'Laafrichtung vum Band, d'richteg Nooricht misst héierbar ginn. (evt, vum Band)

Spock Faszinéierend.

De Kirk bliedert am Atlas a liest vir

Kirk Lëtzebuerg dat am Joër 1839 onofhängeg gin ass huet eng Superficie vun 2586 quadratkilometer. Politësch ass et organiséiert als repräsentativ Demokratie ënnert der Form vun enger Konstitutioneller Monarchie. Un der Spëtzt vu sengem Staatswiesen steet de Grand-Duc.

Uhura keck Wow, e Grand-Duc, esou een mat Kroun a Schlass ? Oh wéi cool,ass deen Typchen bestued?

Scotty Hei eis't kléngt. Mengs de deen hätt nach grad op esou en Dickelchen gewaart daat an 203 Joer den éischte Kréisch soll doën?

Kirk Halt dach emol op mat deem Gebraddels, et versteht een seng eegen Gedanken nët mat Iech. Ah, hei gëtt et interessant , Lëtzebuerg ass duerch seng reich Eisenmineralien zou Wuelstand komm,. bla bla bla, Holz, ... Landwirtschaft, Bankenzentrum Tourismus neen , vun enger SIEKHCAK-Industrie steht hei neischt.

Mc Coy Da wärten déi Neandertaler, déi 1997 do ënnen gehaust hun dat nach nët erfonnt hun.

Spock Et ass jo awer SIEKHCAK do ënnen a grouse Quantitéiten ze fannen, soss giffen meng Sensoren neischt esou mellen.

- Mc Coy* Da loss deng Piepsapparatur do mol méi genau sichen. Wanns de d'Platz genau fonnt hues,
- Scotty* da beamen mir e puer Leit mat Eemeren an Tuuten dohin , schnappen eis eng etlech Säck dees Geschier a färdeg ass de Lack.
- Kirk* Lues Jonge lues. Mir kënnen nët riskéieren dat eis Leit do ennen beim illegale Biergbau erwëscht ginn. Ech wëll kee Konflikt mat der Lëtzebuenger Arméi riskéieren. Hei steet déi wieren an der Nato. Nett datt et wéinst eis nach zou engem 3. Weltkrich kënt.
- Spock* Genee Käpten. Da misste jo all eis Geschichtsbicher nei geschriwwe ginn. Neen, mir missten villméih kucken mat de lëtzebuenger Autoritéiten zesummen ze kommen an d'Permissioun froën fir a Rouh SIEKHCAK oofzebauen.
- Uhura* Oh jo Käpten, looss mëch emol bei dee Grand-Duc. Wann ech deem e besche léif schwätzen , da wärt deen eis schon e puer Köschten dees SCHIEFLACK do ginn.
- Scotty* Papperlapapp, Fraleitsgetootz. Dat do ass eppes daat muss enner Männer geschwaat gin.
- Kirk* liest nach De Scotty huet Recht. Hei ass eng Opstellung vun der lëtzebuenger Regierung déi 1997 un
ëmmer der Muecht war. Do war e gewëssen Juncker de Käpten op deem Schëff. Dat wär dach gelaacht, wann ech mat deem nët géif eens ginn. An hei , dat do trëfft sëch jo gutt, hei steet d'lëtzebuenger Regierung hätt sëch all Freides zum Regierungsrot an de Staatsministère zeréckgezunn. Do hätte mir d'ganz Band jo beienén.
- Spock* De Staatsministère, dat hun ech dach viirentst am Computer gesinn, do ass haut, pardon an 203 Joer,e Musee iwert Zeitgenëssesch Konscht ageriicht. Do hunn ech och de genaue Plang derbei wou dat an der Haptstaat vu Letzebuerg ze fannen ass.
- Scotty* Typ Top , dann hun ech jo keng Problémer fir eis op déi richteg Platz ze beamen.
- Kirk* Ok Spock , Mc Coy an Leuteneant Uhura, maacht Iech prätt fir e Landgang bei d'Lëtzebuenger Regierung. Scotty, du iwerhëls hei de Kommando.
- Uhura* Käpten, därf ech mëch virdrun nach e beschen an d'Reih maachen? Ech kann dach onméiglech engem Minister , a souguer engem Staatsminister mat dëser banaler Frisur begéinen.
- Spock* Dir kënnt Iech jo en Helm opdoën, da geseit keen d'Frisur.
- Kirk* Nen, neen, mir därfe keng Zeit verléieren, alles an den Transporter, mir starten elo direkt.
- Kirk* *de Spock hält nach eng Posch mat. Da stellen se sëch alleguer an den Transporter. De Kirk Riff: Energie. Da gött et deischer, Damp verdeckt d'Leit déi no hannen verschwannen. De Rideau geet zou.*

2ten Akt

- De Rido geet op. Et geseit een de Regierungsroot (6 Mann héich) ronderëm en laangen Dësch sëtzen. All schaffen se eppes, se schreiwen,, se telephonéieren , se huelen e Patt, se feile sëch d'Neel an d'Zéiwenneel...Bei der Dür do steet e Polizist an Uniform ganz stramm. Duech eng Fënschter (gemolt) geseit een d'Statue vun der Heeschefraa dobaussen stoen. Et laut eng Kiircheklack evt, Klackespill vun der Kathedral*
- Juncker* *Nonnditschëft, ëmmer dat houere Gerabbels vun der Kathedral. Et ass fir mëll ze ginn, a logleich wärt dann och nach de protestantësche Géigeschlag kommen. Et klängt eng weider Klack*
- Juncker* Do héier der et. Esou geet dat hei de ganzen Dag . Fir t'éischt bimmelt déi eng, da rabbelt déi aaner. An da laut déi hei, an da schellt déi do hannen. Et ass fir niwët de Kapp ze kommen. Wann se alt wéinstens nach zesummen laude géingen ! Mais mol doran gin d'Protestanten an d'Katholiken sëch nett eens.
- Folter Michi* Ma Jean-Claude, waat reegs Du dëch dann esou op. Komm mir maachen e klenge règlement grand-ducal datt d'Klacken hei an der Staat nëmmen nach owens no 6 Auer därfe lauden. Dann ass sowéisou kee Lëtzebuenger méi an der Staat, an d'Touristen stéieren sëch nëtt um Gebimmels.
- Juncker* Michi, huel d'Féiss vum Dësch a ried nëtt esou e Kéis. Waat mungs Du dann waat den Abbé vum Lëtzebuenger Wort géing iwert mëch an d'Zeitung setze loossen wa mir eis un

de Klaccken vun der Kathedral géinge vergreifen. Neen komm loosse mer léiwer mat eisem Regierungsrott ufänken. Waat mer éischter ufänken, waat mer éischter an de Weekend kënne fueren.

- Poos Gudd Iddie Jean-Claude Prost (*hëllt e Schotz*)
- Juncker *ganz wichtig liest viir* Je déclare ouvert la séance. Sont absent et excusé: les honorables dames Delvaux et Hennico et les honorables Messieurs Boden , Fischbach ,Lahure et Wohlfart. Freck a wou dreiwen déi sëch dann alleguer erëm ?
- Jakobs Ma Jean-Claude wees Du daat dann nick méih? Déi hass Du dasch op Bréissel geschéckt., well se ëmmer esou vill Fehler an hire fransiische Rappore schreiwen. Déi kreien do vum Santech Jacques Nohëllef a fransiischer Grammaire.
- Juncker Ah jo, daat war mir ganz entfall. Nuje wat mir zou manner Leit hei sinn, waat et och manner Gestreids gëtt. Waat hu mir dann esou um Ordre du jour ?
kuckt a sengen Notizen
- Juncker Goebbels Ah hei. Als éischt kéinte mir de Bensinn an de Mazoutspreis emol nees héigen. Vu mir aus. Mein Tank doheem ass gutt voll, a fir ze fueren huelen ëch souwéisou nëmme den Déngshtauto.
- Bodry Maja, a mat deene Suen déi mir do méih hun , kréien ëch mol nees e Camion voll Flënte kaaft. Eis Zaldoten kréien der dauernd vun den Touristen beim Palais geklaut. Hei mir hun schon nëmme méih sou wéineg Flënten, datt mer t'lescht eng Garde mat Pfeil a Bou bei de Palais gestallt hun.
- Juncker Also ofgemaacht. Ech schreiwen dann op datt se den Owend am Radio direkt mellen kënnen, dat vu n gëschter un den Besinn an de Mazout ëm een, nee , hopp ëm 2 Frang méih deier gëtt. Sou, dat hätte mer. Als nächste Punkt um Ordre du jour steekt hei eng ganz wichtig Saach an där mir onbedéngt haut eng Décisioun musse fannen. Dir wësst jo datt d'Staat New York bankrott ass. Maja a fir nees zou Geld ze kommen hun se eng international Ausschreiwung gemaacht fir d'Fraiheitsstatue deem ze verkaafen , deen am meeschten dervir bezillt. Eise Kolleg de Jacques (*weist op de Poos*)
- Poos Prost Jean-Claude, Prost alleguer (*an hëllt eng Schlupp aus der Fläsch*)
- Juncker Maja , de Jacques also, deen huet seng Relatioune spille gelooss fir dat mir d'Fraiheitsstatue fir Lëtzebuerg gesteet hun. Se gëtt grad démontéiert a soll déi nächst Woch vun der Cargolux op Lëtzebuerg bruecht ginn. Mais mir wësse jo nach guer nëtt richtig, wuer mir dat gutt Stéck solle stellen. Daat misste mir elo mol nach a Rouh klären ier mir mat där gudder Nooricht un d'Press ginn.
- Poos Ah ech sinn dervir , als Ausseminister , datt d'Fraiheitsstatue misst op Stengefort gestallt.gin. Mat enger staarker Luucht am Grapp géif sie dann de belschen Touristen an de Frontalié'ren schons vu weitem , an och Nuets de Wee fir heem weisen. Dann hätte mir de Problem vun de Belschen Touristen déi nëtt méih heem fannen geléist. Prost
- Bodry Dat do ass jo Kabes. Ech fuerderen engeresch, dat d'Fraiheitsstatue op Dikkrech op den Härebiërg gestallt gëtt. Eischtens hätte mir dann d'Kaseren och Nuets vu méi héich beliicht, an 2tens kéinte mir eng Antenne dropbauen fir den Natofunk besser matzkréien.
- Jakobs Dat do geet jo nick. Als Familljeministeschen stellen ëch mat Bedauere fest dat mir Lëtzebuenger nick genou Kanner kreien.. Ech schloen dofir viir d'Fraiheitsstatue op Stroossen bei d'Maternité ze stellen. Da fënnt de Klapperstorch besser d'Platz wou 'en déi kleng Pupelcher soll hebréngen.
- Goebbels Vergiesst dat kanneregt Geschwätz do. Mir hun decidéiert, deen deiere Peimusee ze bauen, mais fir Geliits derbei si keng Suen méi do. Do kréien ëch als Bauteminister hanneno nees vun den Zeitungen d'Lach an de Kapp. Duerfir muss d'Fraiheitsstatue op d'Dreieechele kommen als kulturellen Beleuchtungsmast.
- Foltermischi A wien interesséiert sëch da schons fir dei Musee? Als Innenminister as mir d'Waasserversuergung vun Land vill méih wichtig. Ech fannen also dat

d'Fraiheitsstatue misst an de Stausee gestallt ginn mat engem Arm als Schwimmer viir de Waasserspiggel vum Stausee ze moossen. Wann de Spiggel ze vill fällt geht d'Faakel un ,déi d'Statue an der aanerer Hand dréit. Da geseit een och Nuets direkt wa mer d'Waasser mussen rationéieren.

Juncker Jongen dat do ass alles kaale Kaffi. Wësst der waat mir mat deem Dëngelchen do maachen ? Mir bauen et zou Schengen am Drailännereck um Bierg op. An a Plaatz vun der topescher Fakel gi mir deem aale Meedchen eng Fläsch Wain vun der Vinmoselle an de Grapp. Déi weist sie dann an Daittschland an a Frankreich . Also ëch ka mir keng besser Reklamm fir eise Waibau viirstellen. An da misst eise Kolleg Boden, deen soss wéinst de Wënzer ëmmer esou jomert och endlech roueg ginn.. Ech notéieren alsosite Schengen, adopté de commun accord

alles grommelt onzefridden. Vun der Sait kommen aus dem Donst an engem daischteren Eck, eis 4 Enterpriser eran.

Juncker Roueg op de bëllege Plaatzen, oder ëch loossen de Sall raumen. Als nächste Punkt um Ordre du jour steet d'Proposition vum eisem Kolleg Goebbels fir eng Lëtzebuenger Mauer nom Viirbild vun der bekanntener Chinesëscher Mauer ronderem eis Grenzen ze bauen. Da bleiwt et am Ländchen e beschen méih waarm a baussen d'Flächen kéinte mer eisen Noppere verlounen vir Reklamen drop ze peschen. Waat haalt dir vun der Iddie?

De Kirk a seng Leit trieden un den Dësch vun der lëtzebuenger Regierung erun:

Kirk Excellenz, Här Staatsminister, ech bieden Iech ëm Ëntschëllegung dat mir hei einfach esou an är wichtig Gespräicher eraplatzen,

Jucker Oh, a wou kommen déi do dann hir.? Dat do ass dach bestëmmt nees irgend een Reklamtrick vum Auchan a Konsorten .

Kirk Mein Numm ass Kirk . Ech sinn de Kapitän vum Raumschëff Enterprise.

Bodry Ha , dat kennen ëch , déi kommen Samsdegs mëttes ëmmer um Sat1.

Poos Sat 1 genau, Prost.

Jakobs Ech kennen déi ewer nik. Do uewen kreie mir de Sat 1 nik.

Juncker Elo halt awer mol alleguer d'Gladder . Wann hei een mat deene Fernsehritzen do schwätzt da sinn ëch dat, ass dat kloer ?

Allgemengt Gegrommels

Kirk Här Staatsminister , mir sinn an enger dommer Situatioun. Mir kommen aus der Zukunft aus dem Joer 2345 . Eng Zeitfaal huet eis an är Zeit verschloen. Kënnt dir dat begreifen?

Juncker getouft Waat fällt Iech an ? E Staatsminister begreift alles, wees alles a versteht alles. Ausserdeem kennen Ech där Tricken genuch vum Fernseh. Eng Zeitfaal , esou een aalen Hutt. Soot äre Kollegen vun RTL wann se Jean-Claude Juncker wëllen an den Abrëll schécken mussen se méi fréi opstoen. An elo kënnt Dir är verstoppte Kamera ausschalten.

Spock Käpten, deen do gleewt Iech nëtt. Deen mengt mir wäre jhust e Witz vun enger Televisiounschaine.

Kirk Ma ëch gesinn. Da musse mir deem mol eng Lesson gin déi him op d'Spréng hëllëft. (*hien hëlt sein Händy*) Scotty du geseis jo déi gëllen Figur déi do an der Géigend vun der Cathedral steet, beam eis déi emol schnell heihin. Här Staatsminister da maacht emol är Guckelcher op!

Et dämpft am Eck an eran trëtt d'gëlle Fra mam Reef.

Juncker A waat der Deiwel ass dat do ?

Kirk Déi hu mir heihin gebeamt fir Iech ze iwerzeegen, datt mir echt sinn.

Et kënnt e ganz opgeregten Beamten eran deen mellit:

Beamten Här Staatsminister, waat ass dat do, ech kréien een Telephon noom aaneren wou d'Leit sëch iergeren datt d'Gëlle Fra verschwonn ass , waat soll ups.

hien erbleckst d'Figur.

Juncker Keng Panik , déi ass hei, huilt se mat eraus an de Gang, mir wärte schons derfir suergen,

- datt dat nees an d'Reih kënnt. *De Beamten an de Polizist droen d'Figur eraus.*
- Goebbels Oh neen, elo kann ech nees kucken dat dat gutt Stéck op seng richtig Plaaetz kënnt.
- Kirk Här Staatsminister, mengt Dir ëmmer nach mir wärem nëmmen e Gag ?
- Juncker Neen, ..maja, elo dach, ..ech mengen natiirlech neen. Dir sidd echt. ,Dat hun ech dach direkt gesinn. Sou eppes geseit een dach. Käpten, waat féiert Iech dann speziell hei bei eis ?
- Verdaddert
- Mc Coy Endlëch kann e mol verstänneg mat deem schwätzen.
- Kirk Ma dat ass schnell erklärt. Mir hun esou zesoen kee Bensinn méih fir eist Raumschëff. An duerfir si mir bei Iech komm fir Iech ze bieden eis mat ongeféier 250 Kg SIEKHCAK auszehëllefen.
- Juncker Zick-Zack ? A waat ass dat dann. Sollen se sou eppes am Cactus hun? Ech loosse emol nofroen.
- Kirk Neen, neen , dir braucht Iech keng Oemstänn ze maachen. Mir besuergen eis déi Substanz selwer. Vun Iech wëlle mir nëmmen d'Versécherung, dat mir vun Arméi a Police onbehellegt bleiwen wann mir dobei entdeckt géinge ginn. Stellt eis en offiziellen Laisser-Passer aus, dann ass eis gehollef.
- Juncker Wann et weider neischt ass.
- Jakobs So Jean-Claude, a watt kreien mir dann amplatz fir dat sie hiren Gipssakk derfen huellen ?
- Poos Maja, wou bleiwen eis national Interessen , ? Prost.
- Juncker Richtig. Loosse mer demokratësch viirgoen. Waat kéinten eis d'Kollegen vun der Enterprise als Géigeleeschtung erbréngen?
- Kirk Do kéint een driwer schwätzen.
- Bodry Ma daat ass jo awer ganz evident, d'Enterprise muss an Zukunft ënnert Lëtzebuurger Fändel fléien wéi d'AWACS-Fliegerer vun der Nato.
- Foltermischi Hopp hopp, hopp. Fir eis national Economie ass et vill méih wichteg datt d'Enterprise an Zukunft an de Luxairs-faarwen ugestrach a mengentwéint op den Numm Aigle de Dalheim ëmgedeft gett. Datt bringt Geld an d'Land.
- Poos Ah jo, an de Ravitaillement vun der Enterprise därf nëmmen nach vun der Luxlait, der Vinmoselle oder aus dem Cactus kommen. Prost
- Kirk Mais daat geet jo nëtt , mir
- Jakobs An iwerhaapt , déilo kreien dasch en décke Pakk Tourismusbrochuren iwert Lëtzebuerg matt, déi solle se am ganze Weltall verdeelen, da kommen o mol anner Touristen wéi Belge an Hollänner., dass dasch wouer.
- Goebbels An da kommen mol ordentlëch Good-Years Pneu'en op de Flieger elo, wien wees mat waat fir engem bëllegen Exportartikel déi ausgerëscht sinn.
- Kirk Mais.....
- Juncker Ah maja, dir misst emol fir t'éischt op Sandweiler an de contrôle technique mat ärem Raumschëff. Ëm Stand et entsprécht mol nëtt de Viirschrëften vum Code de la route!
- Foltermischi An de musse sëch och verpflichten, de Sociokulturelle Radio op hirem Schëff do ze lauschteren. Dann huet den 100,7 wéinstens e puer Nolauschterer.
- Kirk *rosen* Ma Donnerwierder nach emol. Sidd dir dann hei vun Kollektivverblödung befall. Iwerleet dach emol. Mir brauchen jhust är Protectioun fir e bëssen SIEKHCAK kënnen opzehuelen. Duerno kucke mir datt mir gangs nees an eis Zeit kommen. All déi Toopeschkeeten déi dir eis elo grad hei opgekraacht hutt kënnen mir jo guer nëtt erfëllen, a mir wëllen och nëtt.
- Bodry So Jean-Claude , a wéi schwetzt deen do da mat eis. Dat do si mir déi richtig. Heihinner kommen, alles viir neischt wëllen awer nëmmen nëtt schaffen. Typesch Auslänner.
- Juncker Alex du hues Rescht. Dat do si mir nëtt néideg. Dir Herrschaften et huet mëch gefreet, mais ech muss Iech elo bieden d'Blaat ze botzen.

- Kirk Mais da sidd dach nëtt direkt ageschnappt.
- Uhura Ma Här excellente Minister vum Staat, ech mengen Excellenz, Här Staatsminister, dir kënnt eis dach nët einfach esou erausgeheien?
- Foltermischi Hei elei, déi Schécks do ka jo esouguer richteg schwätzen. ech hat gemengt, dat hätten se nëmmen zur Dekoratioun matbruecht.
- Juncker Misch, esou schwätzt een nëtt mat enger Damm. Huel emol de Knetsch aus dem Mond. Awer pesch'en nëtt nees einfach ënnert den Dësch.
- Spock Här Staatsminister sidd dach verstänneg. Mir brauchen dee SIEKHCAK onbedéngt fir nees heem ze kommen.
- Juncker Ma dir kritt jo dees Zwieback do esou vill wéi der wëllt. Dir braucht nëmmen déi bescheiden Géigeléschtungen ze erbréngen vun deene mir geschwaat hun. An elo maacht virun mat Aerer Décisioun. Mir hun vir halwer 12 den Apéritif déi Seit beim Toni Tintinger bestallt. An ech kommen nëtt gär ze spéit op en Aarbëchtsiessen.
- Kirk Ech widerhuelen nach eng Kéier, dass et eis nëtt méiglech ass fir....
- Juncker Haal hei keng Regierungserklärung, datt ass mein Job. Wanns du nëtt wëlls, dann hu mir eis weider neischt méih ze soen. Här agent, setzt dës Herrschaften un d'Loft.
De Polizist zitt sei Revolver a féiert se eraus.
- Polizist Da kommt dir Fuesbooken. Mir trëppelen elo mol bis virun d'Dir. Mai Chef ass nett méi frouh iech bei sech ze hun.
- Bodry Junge, Junge deenen hu mir et awer gesoot.
- Juncker Allez hopp virun Mir hu mat deene Gecken do genuch Zeit verluer. Wou ware mir stoe bliwwen? Ah jo bei der lëtzebuerger Mauer. Ech proposéieren e Staatsbesuch a China ze maachen. Da kënne mir eis déi Meierchen vun no bekucken éih mir eppes Falsches bauen. Wien fiert mat?
Alles stréckt aus. De Rido geet zou

3ten Akt

*Rido op. Mir gesinn eng Szene aus der freier Natur, Landschaft, Bësch, Hecken. Eis 4
Enterpriser stinn beieneen am Hallefkrees.*

- Kirk Waat waren dat do mir emol arem Geeschter. A sou eppes régéiert e Land
- Uhura Waat ass dann, esou iwweel waren se dach guer nëtt, besonnesch de Juncker do dé kéint mir scho gefallen.
- Mc Coy An dann déi Totz am Infirmières-outfit. Ech kreien elo nach d'Schudderren wann ech un se denken.
- Spock Loose mer nëtt ze streng mat hinne sinn Et ass jo awer och eng verréckte Saach wéi mir do bei hinnen era spazéiert sinn. Wou soll een normale Mënsch dann do nëtt den Iwerbléck verléieren?
Hien sicht mat sengem Tricorder d'Géigend of a Richtung vum aaneren Eck vun der Bühn piepst et am meeschten.
- Kirk Mais elo si mer esou gescheit ewéi vidrun. Waat maache mir dann elo?
- Uhura *weist houferech e Geldschein op deem de Grand-duc ze gesinn ass:* Kuckt nëmmen waat fir een apartene Maanskärel ass de Grand-Duc. Komm mir trëppelen awer mol bei deen a seng Haipchen. Bei enger Taas Téi an e puer Salzkichelercher wärt ech deem bestëmmt de Fall erklärt kréien.. Wann dir Männer hei bei der Regierung mat ärem Gebraddels néischt errécht hutt, da musse mir elo kämpfen, an zwar mat de Waffen vun der Fra.
- Mc Coy Ech mengen ech verpassen dir emol en Zäppchen. Ech mengen Du hues Féiwer.
- Kirk Dir sidd eng immens Hëllef. Aplatz Léisungen ze fannen wéi mir aus deem Schlamassel hei erauskommen hut dir soss néischt ze dinn wéi Iech hei wéinst Dommheeten ze streiden. Gebraucht mol äre Kapp oder haalt de Mond.
- Spock Käpten, mengem Tricorder no si mir ganz no bei engem SIEKHCAK- Viirkommen. Et ass héchstens 10 Meter vun eis ewech.
et raschelt am Bësch

- Mc Coy Do kommen der aus der Richtung.
Kirk Schnell, verstoppe mir eis hannert dëser Heck.
Sie ginn an Deckung hannert engem Gebüsch. Vu léns kommen 3 Scouten an Uniform mat Rucksak a Fändel getrëppelt. Sie sangen
- Scouten A sou baal et Mëtteg laut gëtt en Dikkelche geklaut well en eidle Mo ass eng ureg Plo an a voller Eenegkeet ginn dann Plättle gefeet, well do si mir all déck do.....
- Tim Genuch mat deem Geséngs. Wëst der waat, elo gett hei emol eng gutt Paus gemacht. Mir hun eis jo dach verlaaf op eisem Hike. Waat solle mir eis da lo nach e Been ausreissen. D'Cheffen wärten eis scho siche kommen. *Sie setzen sech nidder huelen e puer Bengelen a maachen Feier (Luucht) un wou sē sēch drēm sēzen.*
- 2.Scout Waat hun ech d'Flemm. Nëtgenuch domat dat dem Steve sei Ravi de Mëtteg eng eenzegaarteg Sauerei waar, neen, elo musse mer och nach déi latzeg Schmieren iessen déi d'Mamm eis agepaakt huet.
- 3 Scout Bleiw cool. Wa mir hei iwernuechten, da brauche mir eis nett mat der dracheger Kaart do ze ploen. De Carlo a seng Coordonnéen, dat ass dat allerläscht. Kuckt nëmmen wou mer schons geland sinn. Wa mir deem sengen Zuelespiller hei follegen, da lande mir nach an der Wüste Gobi. Neen ,neen, lo gëtt hei mol gemittlech een op verlorener Sohn gemacht, a muer de moien knacke mir de Noutbrëif a kommen ganz zerknirscht um Rendez-vous un.
Vun hannert der Heck nähert de Spock sēch mat sengem tricorder lues a mat Gepieps dem Rucksak vum Tim.
- Tim Dat hu mir nëmmen dem Jang senge verréckten Iddien ze verdanken. Fir t'éischt Wikinger, dunn Indianer an elo mussen et Ausserirdischer sinn.
- 3 Scout Esou ee Brach. Dobei wees all Puppelchen dat et där Nikkien aus dem Weltall keng ginn.
Si léen sēch nidder a raschten . de Spock mellet no hannen
- Spock pëspert Käpten. D'Signaler kommen aus dem Kand sengem Rucksak. ech froe mëch wat mëcht den Dapp do mat esou eppes brisantes wéi SIEKHCAK ?
- 2 Scout An de Claude deen Draibiitz sëtzt elo mat sengem Funkgerät do d'Ufo'en unzufunken. a stéiert nees den internationale Funkverkéier.
- Tim An d'Nadine dann ? Aplatz hei mat zu Fouss ze goen flitzt hat nees mat sengem Polo duerch d'Géigend , schlëmmer wéi de Michael Knight mam Kid.
- 2 Scout Wéinstens ass d'Liss nët derbei, soos géif dat nees mam Beil d'Strëmp freckt haen.
- 3 Scout Kanner genéist déi Stëllt an dé Fridden. Kee Josée an der Géigend dat blärt wéi e Waldiesel.
- Tim Ei, an elo gëtt emol gemampft. Och wann et alt nëmmen d'Schmieren sinn.
Hien hëllt seng Schmier aus dem Rucksak a paakt se lues aus.Iwerdeems probéiert de Spock nach eng Kéier mam Tricorder um Tim sengem Rucksak. E gëtt keen Piepser méih vu sēch.
- Spock Käpten, en huet de SIEKHCAK aus der Poche gehollt...
- Mc Coy Et ass bestëmmt am Pak vu senger Schmier.
- Kirk Allez, lo ass et Zeit fir anzegreifen.
Sie sprangen alle 4 hannert der Heck eraus a jeitzen:
- Kirk, Spock Halt, nët déi Schmier do iessen...
Scout2 Hei elei, de Käpten Kirk a seng Band. Ma dir sollt dach muer um Sat1 am Fernseh kommen. Waat maacht dir dann elo hei am B'sch?
- Tim An iwerhaapt , waat geht Iech meng Schmier un. ? Ech wärt dach nach duerfen iessen waat d'Mamm mir agepakt huet ouni fir d'éischt bei iech Flucki'en nozefroen.
- Kirk Du hues Rescht mei Jong ëntschëlleg eist ongewinnt Optrieden. Mëch schéngt dir jo ze kennen, mais mat wem hun ech dann de Plaiséier ?
- Tim Ëch sinn den Tim, éischt-Klass Scout beim Grupp hellege Märten vun Duelem, an sou ziemlëch de viirwitzegste Scout vun der Welt, an dat si meng Frënn de.....Scout2 an d'..... Scout3

- Scout2+3 Salut Kirki, moien dir alleguer, sot, emo, op der Télé sidd dir awer ëmmër besser gekämmt a maquilléiert.
- Uhura Waat, waat erlaabt sëch dee Schnuddeler. Ech sinn dach wéi ëmmer perfekt gestylt gëll Spocki?
- Spock Lt. Uhura, fir hei am Bësch bei de Kaweechelcher ze spazéieren , duerfir geet et vëlleg duer.
- Tim Mais da sot dach endlëch emol waat dir hei sicht? Dir sidd dach bestëmmt nëtt aus dem Weltall hei hin komm, fir mëch dervun oofzahaalen meng Schmier ze iessen, oder sténkt se esou zum Himmel dat se iech do uewen gestéiert huet?
- Spock Käpten, solle mir wirklech déi Kanner do mat eisem Probleem belaaschten?
- Kirk Jo Spock,..... du hues Rescht, ech wees wirlëch nëtt op dat richteg wir.
- Tim Waat heescht hei déi Kanner,.Ech sin dach kee Septi méih. Bei de Scouten sinn ëch scho Patroullecheff an doheem därf ëch fir d’Kiirmes .oder soss e sonnegen Daag och schon en halleft Glas Schampes drénken. Dir gesidd, mat mir muss ee rechnen. An elo raus mat der Spooch, waat gefällt Iech dann u menger Schmier nëtt, soss iessen ëch se zu Botz op an dir gesidd mol keng Grimmel méi dervun.
- Scout2+3 Jo a mir si jo schlieslëch och nach do. A mir si villes gewinnt .Wann dir wéist mat waat fir verréckten Iddien eis Cheffen ëmmer nees kommen, déi mir dann ausdrénke mussen.
- Kirk Ok , ok, Tim da weis mir mol déi gelunge Schmier do heihin.
den Tim gëtt dem Kirk d’Schmier, deen hält se direkt dem Spock virun de Tricorder an deen piepst datt et e Genoss ass.De Spock mëscht de Pak, op a fënnt eng ganz bieder Kachkéisschmier
- Spock Käpten, keen Zweifel, op dem Bouw senger Schmier ass rengsten SIEKHCAK. Et ass nëtt ze gleewen.
- Tim Waat soll do drop sinn ? Schnick-Schnack? Dat gleicht menger Mamm nees. Dobei haat ech mir extra Kachkéis fir op d’Schmier bestallt. Mais waat ass dat dann deen Zieps do deen do drop ass? Dat kennen ëch jo guer nëtt. Ass dat eppes neits ?
- Kirk Wéi dann, wees du also nëtt waat SIEKHCAK ass ?
- Tim Në, nie héieren. Weis mol heihin.
Hien schnappt sëch seng Schmier nees a kuckt dran
- Tim Ëch mengen dir fuebelt alleguer e bëschen. Sikkhakk? Do ass dach nëmmen onschëllegen gekachtene Kéis drop. An duerfir féiert dir esou eng op.
- Spock Nee Tim, daat do ass eng vun den Energiereichste Verbindungen vum ganzen Universum. SIEKHCAK ass nëmmen d’Ofkiirzung vum komplexen mais wëssenschaftlëch korreketen Numm fir Supra Ioniséierten Edel Kristallinen Hyper Centrifugéierten Atomaren Konzentrat. kurz SIEKHCAK.
- Tim Oh freck, schrei w mer dat do mol op. Dat do ka jo kee Mënsch mat normalen Oueren am Kapp behalen.
Den Tim gëtt dem Spock en Ziedel + Bic, an dee schreiwt drop.Den Tim hält den Ziedel liest, an kalennert e bësche ronderem, da seet hien:
- Tim Ah lo gesinn ëch derhannert. Dat do ass jo kale Kaffi mat deem kroopelechen Numm. Vun hannen no viir ze schreiwen ass en uraalen Trick. Dat mache mir och ëmmer mat eise Bréifer fir dat d’Cheffen se nëtt liese kënnen. Wann ëch äre komeschen chinesëschen Numm vun hannen no viir liesen da steet hei KACHKEIS. A genau dees ass jo och op menger Schmier. Jeje, waat ass dat do da fir eng Raibergeschicht mat deem Siekhak.
De Spock an de Kirk kucken sëch ganz grouss a verwonnert un.
- Spock Mais Tim an du bass sëcher dass du deen SIEKHCAK, pardon, deen Kachkéis do kenns?
- Tim Hei Spitzöhrchen bleiw emol ganz cool. Kuck emol hei:
hien beist a seng Schmier an ësst mat Genoss e gudde Maufel dervun.
- Spock Faszinéierend. Mir hun nëtt genuch dees Bulli fir eist Raumschëff unzedreiwen, an hei am Bësch verfidderen se de SIEKHCAK mat de Kanner.
- Kirk Mais do wou den Tim dat do hir huet do ass des dach sëcher nach ze fannen.?

- Tim Waat, Kachkéis, oh Mamm jo. Wéivill häss des da gär ? Mir hun doheem nach e frëscht D'ppchen voll stoen.
- Kirk Ma Tim mir bréichten ongeféier 250kg dees Kachkéis do.
- Tim Das dach kee Probleem. Bei der LUXKABE kritt een eng 250kg-Familljepackung fir méi grouss Stéit. Ech kéint Iech där eng bestellen.
- Spock Käpten , mir hu jhust nach nëtt driwwer geschwaat , wéi mir de Kachkéis op d'Enterprise brénge sollen.
- Mc Coy Ma Spock, mam Beam-Transporter, wéi bal alles wat mir op d'Schëff bréngen.
- Spock Eben nëtt. SIEKHCAK kann een nëtt beamen, well et soss zou enger Kettenreaktioun kënnt an de ganze Buttek explodéiert.
- Uhura Sou ee Schrott. Elo hu mir endlech e Wee font fir eis dee sténkege Papes do ze beschaafen, an elo kréie mir en nëtt op Orbit bruecht. Et ass fir an e Patt ze faschten,.
- Tim Ëch kéint jo emol eise Chef Jang froën. Deen huet a senger Scheier allmégglëch interessant Saachen leien. ëm Stand deen huet eng kleng Rakéit fir iech ze hëllef.
- Kirk Neen, neen, dat ass zevill geféierlëch datt eist Raumschëff dobei beschiedegt gëtt. Ass da soss guer neischt ze maachen ?
- Scout2 Tim komm mol hei hin.
- Tim *Sie strécken d'Käpp zesammen an tuschelen geheimnissvoll mateneen. Da seet den Tim:*
Dat do ass eng Superiddie. Dat ëch nëtt direkt dodrop komm sinn. Scout2 () huel emol de Kassetterecorder, Käpten, mir ruffen Iech elo mol d'Lëtzebuurger Geheimwaff erbei. Hien ass weltraumtauglëch an e grouse Spezialist a Saachen Kachkéis. Wann een Iech hëllef kann dann hien.
- Kirk Also vu mir aus. Mir hu jo neischt derbei ze verléieren.
d'Scouten loossen um Cassettenrekorder d'Stëck vum Lidd vum Superjhemp laafen (wann dir emol an Nout sidd.....) a sangen kräfteg mat héi, héi héi héi de Superjhemp. Och d'Enterpriser stëmmen mat an . Um Enn vum Lidd spréngt de Superjhemp vun der Sait op d'Bühn derbei.
- Superjhemp Moie Kanner. Ah du bass et Tim. Waat ass da lass dass dir mëch ëm dës Auer hei an de Bësch bestellt?
- Tim Superjhemp. Wéi cool dass du sou séier komm bass. Därf ëch dir mei Frënd de Käpten Kirk a seng Crew viirstellen. Sie hun e Problém mat 250kg Kachkéis déi sie op hirem Raumschëff brauche. Mais sie wëssen nëtt wéi sie en op Orbitt brénge sollen. Häss du do keng Iddie ?
Den Tim dréckt dem Superjhemp en A zou
- Superjhemp Das kee Probleem. Käpten wou hänkt dann äre Raumkreuzer?
- Kirk Wéi, äh wou , ma hei zimlëch genau iwert eis , mais ongeféier 400 km no uewen.
verdaddert
- Superjhemp Ma da kuckt dass dir alt schon emol alleguer doropp kommt. Ëch denken an enger halwer Stonn bei Iech opzekreizen mat engem klenge Cadeau,.
nach ëmmer ganz verwonnert Wann dir mengt Här Jhemp. Scotty , da beam eis emol all nees erop. Kommt dir gär mat Kanner ?
- d'Scouten Ouh jo, dat wär cool. Waat wärten eis Kollegen dann awer luussen wa mir dovun erzielen.
Vun der Sait fänkt un den Damp op d'Bühn ze zéien. Doriwer geet de Rido zou.

4ten Akt

De Rido geet op. Mir gesinn erëm d'Kommandobrëck vun der Enterprise vum éischten Akt. De Computer blénkt , mais et ass keen op der Bühn. Op eemol kommen vu lénks op d'Bühn, De Kirk, de Spock, d'Lt. Uhura de Scout 2 +3 an den Tim deen sëch direkt sichtbar fir deen neien Entourage interesséiert.

- Kirk Ei, et ass e Genoss nees doheem ze sinn. Hei danzt wéinstens alles no menger Paif an ëch kréien waat ëch wëll, nëtt wéi bei deenen lëtzebuergeschen Hottentotten do ënnen.
- Tim Wow, dat hei ass jo wirklech esou wéi am Fernseh.

- Spock* Kanner wëllt Dir dann emol D'Erd vun 400 km Distanz kucken. Dat kritt Dir jo soss nëtt aal Dag gebueden ?
- Scout2* Op mengem Papp sengem PC hu mir e Weltraumsimulatiounsspill. Do hunn ech dat dach schons dacks gesinn.
- Tim* Um PC , dat ass dach total ongeil. Wa mir hei beim Kirki sengem Flitzer op de Balkon ginn, gesinn mir dat life und in Farbe, an et kann der keen de Stecker erauszéien.
- Kirk* Richteg Tim. Mais dat mam Balkon loosse mir besser ennerwee. Dobaussen ass d'Loft zimlech dënn an et fléien och zevill Stécker vu geplatze Rakéiten an Astras-satelliten duerch d'Géigend. Mir hun eppes besseres. Spock , maach emol den Ecran op.
De Spock dréckt op de Knéppchen, de Ecran geet un a weist e Bild vun der Erd aus dem Weltraum.
- Scout3* Oh freck. Genial. Hei dat geseit jo wiirlech aus wéi op mengem Globus deen ech fir d'Kommioun geschenkt krut.
- Scout 2* Jhust déi Strécher déi den héige Wee an de breede Wee um Globus sinn, wéi soen eis Cheffen nach derfir?
- Scout3* Längen- a Breedegraden,
- Scout2* Jo genau déi. Geseis du déi do ennen ?
- Scout3* Neen, hei elo wou's Du et sees fällt et mir och op. Déi si guer net op der Weltkugel ze gesinn.
- Scout2* Do geseis de awer nees wéi een an der Schoul a bei de Scouten ugeschmiert gött, An dann hätten d'Cheffen och nach gär mir sollen eis mat deene Strécher do op de Kaarten an der Welt erëmfannen! Ma wéi solls de dann. Déi Strécher do gött et jo a Wiirlechkeet guer net.
- Scout3* Kee Wonner wa mir eis mat der Kaart ëmmer verlaafen.
- Tim* Elo hut dir 2 emol Paus. Schalt dach emol de Geescht an éier dir de Mond opditt. Déi Linnen um Globus sinn jo nëmmen geduechte Linnen.
- Scout3* Dann haten se an der Fabrik wou se mein Globus fabrizéiert hun awer fest geduecht. Well op mengem Globus geseit een déi Strécher jiddefalls méi deitlëch wéi de Méckeschëss.
- Spock* An d'Achs an d'Fixatiounen déi bei dengem Globus dru sinn vir dass Du en opstelle kanns, geseis du déi dann och do baussen?
- Scout 3* Also nëtt sou direkt,
- Scout2* Ah jo, an de Kabel an de Schalter fir d'Luucht un an -auszeschalten fehlt och do baussen.
Alles rëssëlt de Kapp. Den Tim dreiwit sëch beim Transporter erëm.
- Kirk* Ech mengen elo maache mir d'Fischt Dir nees zou, Et gött kaal hei bannen.
Den Ecran geet aus. Deitlech geseit an héiert een, datt den Tim beim Transporter op e Knéppchen gedréckt huet
- Spock* Tim nëtt drécken....
Den Transporter gött aktivéiert, et dämpt a vun der Sait gött aus dem Damp eng Persoun era gezunn (op Roulletten) Et ass d'Queen Elisabeth II a voller Montur, mat Kroun, Zepter, mat engem blénkege Rack a wéissen Händchen. Sie sëtzt op enger gëllener Toilette mat gëllener oder sametener Spullkëscht an huet d'Times am Grapp. Alles dréi sëch no hir ëm.
- Queen Lisy* Ouh shit !
De Spock spréngt bei den Transporter stéisst den Tim op d'Sait ,a kuckt.
- Scout2* Dat do ass d'englesch Kinnigin d 'Queen Elisabeth, a waat mëscht déi dann hei ?
- Queen Lisy* Phillip, Phillip help, I think I flipp.
- Spock* Kee Wonner. De Suchstrahl vum Transporter ass zoufällleg op de Buckingham- Palast zu London agestallt. Duerfir hu mir se lo hei mat dem Tim sengem Gefummels.
- Scout3* Oh freck. An déi geet op d'Toilette wéi mir och. A wien hätt dat da geduecht ?
- Spock* Esou, lo hunn ech alles prätt fir d'Madame Queen nees heem ze bréngen.
Et dämpt nees, an an den Damp eran verschwënnt d'Queen vun der Bühn.
- Kirk* Mei léiwen Tim. Wanns du hei uewen nach op een eenzege Knéppchen drécks dann zéien

- ëch der d'Oueren sou lang, datt se uewen nach méi spatz zoulaafen wéi dem Mr Spock seng.
- Spock Käpten loost meng Oueren aus dem Spill. Froen mir léiwer mol eis Gäscht wéi dat sie mengen, datt dee kostümeierte Géck do ënnen eis deen SIEKHCAL wëllt erop bréngen.
- Kirk Maja. Déi Fro hat ëch mir elo an deem ganzen Troublement nach guer nët gestallt. Tim mengs du wirklech äre Frënd do, de Mr Jhemp kriit dat färdeg ?
- Tim *houfreg* Kirki. Nenn eisen Nationalheld gefällegst bei sengem richtege Numm. Dei Mr Jhemp ass fir eis de Superjhemp, woubei dee Prädikat « Super » wiirtlech ze huelen ass.
- Spock Dat heescht?
- kritesch*
- Tim De Superjhemp kann einfach alles waat en gudde Supermann muss kënnen. Hien flitt , hien huet Radaraen hien ass superstaark, hien heescht Jhemp, je e Superjhemp eben.
- Kirk Oh neen. Wéi konnt ech dann nëmmen op esou e Kannerkrom erafaalen. Dat war dach bestëmmt een vun äre Scoutskollegen deen do ënnen an deem aafegen Dress am B'sch ronderëm leeft.?
- Tim *ënrüst* Also dat do geet ze weit . Elo beschmotzt dir awer meng Scoutséier wann dir hart behaupt ëch hät iech bedrunn. Ech verlangen Satisfacioun. Hei si meng Sekundanten. (*weist op seng Frënn*) Ech erwaarden Iech an 2 Stonnen zum Duell. D'Wiel vun de Waffen loossen ech iech. Mountainbike oder Game-boy?
- Vun hannen rífft de Scotty :*
- Scotty Käpten, en onbekannt Flugobjekt ass vu Lëtzebuerg aus ënner Wee bei d'Enterprise. Solle mer et oofschéissen ?
- Tim Nëmme nët. Dat kann nëmmen de Superjhemp sinn. Tja Käpten a waat soe mir dann elo?
- Kirk Da maach emol de Schirm un. De komesche Vull gesiit ech emol gär.
Den Ecran geet un an et geseit een de Superjhemp eng Kéier fléien mat enger 250kg Kachkéikëscht an den Hänn. De Montage gëtt esou gemacht datt hien virum Ecran sëch opríicht d'Këscht an eng Hand hëllt an widdert d'Scheiw klappt a wénkt.
- Spock Dat do gëtt et jo nët. Dann hu mir dem Tim a senge Frënn jo tatsächlech Onrecht geden. Et ass nett ze gleewen.
- Tim Wourop waart dir dann nach, macht him dach op.
De Kirk spréngt ganz verdaddert bei de Computer, de Schirm geet aus. et héiert een wéi hien op e Knapp dréckt:
- Kirk Oh neen, lo hun ëch an der Opreegung de falsche Kneppchen gedréckt.
- Tim A mir wëllen se hei d'Oueren laang zéien.
Vun hannert der bühn rífft de Scotty:
- Scotty A wéi een Dabo huet dann elo d'Gepäckboxen vun der Enterprise opgemaacht. Elo sinn all eis Valissen a Pochen am gangen op d'Erd ze reenen.
- Spock Oh neen, mei beschte Kostume mat deem ëch bal Mr Galaxy gi waar ass op Orbite geschéckt.
- Uhura Ah meng ganz Designerroben vun Dior bis Yves-Saint-Laurent fléien elo do ënnen. A waat din ""ech dann lo un fir an d'Disco wa mir doheem sinn?
- Spock Maacht emol de Schirm un da kucke mer eis dee Schlamassel emol un.
Et geseit een um ecran den Paasage aus dem Otto film wou d'Valissen an d'Waasser an op de strand faalen.
- Kirk Maach dat do aus. Dat ass lo eis kléngste Suerg. Dir kritt vun eiser Assurance ganz bestëmmt äre Krépéng ersaat.
Et schellt un der Diir
- Spock Jo loosse mer léiwer de Mr Superjhemp eran dat mir eise Flieger hei nees opgeríicht kréien.
De Kirk dréckt e Kneppchen, an de Superjhemp kënnt mat senger Kéiskëscht eran.
- Spock Mr Superjhemp mir sinn iwerglécklech iech hei ze hunn. Giit mir déi Këscht am beschten

- gleich heihinn.
- Jhemp POZNENNÖ, Här Spatzouer bass du dann esou stark oder mëchs du nëmmen esou. Déi Këscht hei weit déi Klenggeheet vun 250kg also eng Véierels Tonn. Du geseis mir nëtt esou aus wéi wanns du weit dermat kéims.
- Spock 250kg ah merde jo. Ech hat guer nëtt méi do drun geduecht. A waan een iech esou nokuckt , da mengt een et wär nëmmen eng eidel Kartongskëscht.
- Kirk bréngt eise Brennstoff am beschten gleich an de Maschinneraum. Da kann de Scotty d'Reakteren betanken , Spock weis du dem Här Jhemp de Wee.
Sie ginn mat der Këscht oof.
- Kirk Soot Kanner, waat kënne mir ärem Frënd da ginn, fir him Merci ze soen ?
- Tim Hien ass eigentlëch nett gewinnt fir seng Déngschter bezuelt ze ginn, dat ass bal wéi wa mir scouten eng B.A. maachen. Do huele mir och nëmmen an Noutwier eppes un dervir.
- Kirk Mais dat hei ass dach awer eppes ganz aaneschtes, Ouni hien wees ech nëtt wéi mir hei hätte forkommen kënne. Waat huet hien dann am léifsten Kanner ?
- Scout2 Also am léifsten esst hien Kachkéisschmieren.
- Kirk Mais Kachkéishuet hien jo selwer méi wéi mir, domat kënne mir nëtt déngen.
- Tim Hutt dir dann nëtt irgendeng modern Maschinn wou hien d'Kachkéiskëscht, an d'Brout dra mëscht an déi him färdeg Kachkéisseschmieren erausspeitzt ?
- Kirk Neen , dorop si mir nëtt geriicht. Mais ëch kënnt him een vun eisen neien Zappiroboteren schenken. Wann de Scotty deen e bëschen ëmprogramméiert, da kann deen och Schmieren maachen.
- Scout 3 Tip-Top, dat wier bestëmmt de richtige Cadeau fir de Superjhemp.
Vun hannert de Kulissen meelt de Scotty:
- Scotty Käpten, ech mellen dat eis Reakteren nees betriebsbereet sinn , Alles ass op maximaler Leeschtung. Mir si prätt fir heem ze fléien.
De Spock an de Superjhemp kommen nees eran.
- Kirk Da kéim elo nach den traurege Moment fir A`ddi ze soen.
- Superjhemp A fir waat dann traureg? Mir hun dach eppes kennegeléiert, waat eis duerch d'Joerhonnerten verbënnt.
- Kirk+Spock Ou a waat ass dat dann?
De Superjhemp dréckt de Scouten en A zou, vun hannen sétzt Musek an a si sangen zesammen:
- Alle D' Lidd vum gekachtene Kéis
Zum Schluss vum Lidd geet de Rido zou